

Mei Heimatort Sanktandres

Mei Heimatort des ist Andres
Im Banat des leit, des e jeder wes.
Vun Temeschburg die Stroß geht grad,
Dorch unser Dorf ins Kalatschier Bad.

Die Stroß is glatt, sie gfallt uns gut,
Well herrlich mer druf fahre tut,
Do heschts ach links un rechts noch schaue,
Bevor mer kann sich driwer traue.

De Bahnhof der ist zimmlich weit,
For hin zu kumme brauch mer Zeit.
Un um die teiri Zeit zu spare,
Kann mer ach mit em Bus mol fahre.

Ach Gehwecher sin betoniert,
Das mer sei Schuh sich net verschmiert.
Es gebt ach noch Stelle zum stalliere,
Mit schlechtem Wech zum repariere.

Die Gasse sin scheen bret und groß,
Doch fehlt noch manchi gudi Stroß.
Wu noch waiche Plätzer sin,
Dort kannscht net fahre immer nin.

In de Schul hat sich ach manches verennert,
Mer hat angebaut, vergressert und verschennert.
Wu for die Kiner jetz e Sportplatz is,
Hat mer die alt Kasern mol endlich abgeriss.

Vun weit gsieht mer die Kerchespitz
Die in de Sunn schen fungelt wie e Blitz.
Well ufm Friedhof unser Ahne leihe,
Tu ich mich uf mei Heimatort Sanktandres immer gfreie.